

金史紀事本末

金史紀事本末卷二十六

馳封資政大夫 特賞內閣中書前江口峽江訓導萍鄉李有棠編纂

契丹諸部之叛

薩巴

蕭幹孛

德壽

海陵正隆六年

十月世宗即位
改爲大定元年

夏五月庚辰契丹諸

部反遣右將軍蕭圖喇

原作
秃刺

等討之奪命樞密使布

薩思恭

攷異通鑑輯
覽作珺圖克

西京留守蕭懷忠往助初西北

契丹部有薩巴

原作撒入攷異汪輝祖金史同名錄
云卷二太祖天輔七年命招諭興中

府卷三太宗天會九年耶律大石黨卷六十三徒單

后傳宣德宮直長爲海陵殺卷六十九歡都傳穆宗

時納喝部人卷七十一幹魯傳子銀青光祿大夫又

使人爲高永昌殺卷八十九移刺子敬傳世宗時都

監卷一百二十九李通傳世宗初詔使卷八十七者

志寧傳父懷忠本名官閱遠節度十人同名撒八者

爲招討使司譯史正隆五年海陵徵諸道兵南侵使
牌印蘇赫舊作燥合一作素赫洋格盡起西北路契丹丁壯契

丹人曰西北路接近隣國世爲讐怨若男丁盡從軍
彼以兵來則老弱必盡係累矣願使者入朝言之蘇

赫畏罪不敢言洋格慮後有事憂死蘇赫復與牌印

耶律諾爾原作哪令史穆達里哈原作淡督起西北路

兵於是薩巴與博多布原作亨及部衆殺招討使完

顏烏色原作沃則本傳尼楚赫弟瑪奇子從宗望侵宋有功還駐東平攻陝西爲右翼都統遷華

州防禦使西北招討使薩巴秩滿已數月及蘇赫執
冒食俸祿烏色發其事遂遇害所載較詳

耶律諾爾穆達里哈取招討司貯甲三千遂反議立

魏王延禧子孫推都監老和尚

攷異通鑑輯覽作撈華善又窩幹傳一都

監一五院司部人皆正隆五年從叛而世宗紀 爲招

討使山後四羣牧山前諸羣牧皆應之時烏哲羣牧

使溫特赫布敦

原作溫迪罕滿睹

聞亂作陰爲備賊不得發

乃給諸奴借與兵仗明日賊至無以禦遂被執不屈

斃殺之子孫皆與害伊囉幹羣牧使鶴壽耶王昂子

本名烏達布

原作吾都不

不應老和尚招與二子皆被殺

及諸羣牧使副圖克坦色哩

原作徒單賽里攷異汪輝祖金史同名錄云汪

賽一思忠父正隆末虜梳羣牧使卷八十七志甯傳

大定時謀克卷九十八完顏匡傳匡兄章宗時奉御

三人同持嘉和碩台

原作赤蓋 和色哩

原作胡完顏

珠勒呼

原作尤里骨

希卜蘇

原作辭不失

詳衮

原作詳穩

瓜爾佳邁

珠

原作加古買住

完顏蘇瑪格

原作達沒葛

高彭祖等皆殉難五

院司部人老和尚納延亦殺節度使珠嘉烏哲以應

之千戶實格等與前招討使完顏滿丕殺招討使烏

凌阿富勒呼以所部趨西北路爲節度使阿爾薩哩

原作阿厠列

所追擊實格與數騎遁去合於薩巴咸平府

地理志云初爲咸平路升爲府置總管府縣入故城在鐵嶺衛東北穆昆瓜里

原作括里與

所部自山後逃歸咸平少尹完顏額哩頁

原作余里野攻異太

祖紀天輔六年遼臣另一人

欲收捕瓜里家屬瓜里遂招誘富家

奴隸數日得二千人攻陷韓州及柳河縣

地理志云本渤海

喜縣地屬韓州樂平軍

遂趨咸平額哩頁迎擊兵敗賊遂據咸

平於是繕完器甲出財募兵勢甚張明安納喇綽奇

原作綽質一

聚兵扼夜河賊不得東兵敗

攷異忠義傳瓜里兵

四萬大至綽奇拒戰賊兵十倍遂見執轡殺

瓜里遂

之詔贈官兩階二子皆得陞幹罕傳未載

原作李胤

等擊敗之

於信州

地理志云卽彰信軍治

瓜里收餘眾趨東京

攷異烏雅

扎拉傳瓜里陷韓州圍信州遠近震駭扎

拉道出咸平遂率本部亟還信州與戰敗之賊整兵

攻城扎拉下巨木壓之殺賊甚眾乃解去扎拉手執

兩大鐵簡重數十斤追擊於韓州東復大敗之走東

京幹罕傳不作

時世宗爲留守以兵四百拒之賊至

長安縣聞宮中聲如擊數千鼓者候見旌旗蔽野傳

吉留守以十萬兵至矣卽引還亦與薩巴合

攷異續通考云

時世宗守東京有大星流入第中梁水暴漲水與城等舉酒酣之退

至是乃遣思恭等

討之

秋八月癸亥族樞密使布薩思恭等先是蕭

圖喇往討薩巴相持數日連戰皆無功糧餉不繼圖

喇退軍臨潢而薩巴度大軍必繼至謀歸達實

原作大石

乃率眾沿龍駒河

方輿紀要云在長泰縣北千餘里

西出及思恭等

至與圖喇合兵追至河上不及而還思恭與懷忠坐

還留皆族誅圖喇亦誅死北京留守蕭蹟不能制其

下殺降人而取其婦女亦坐誅詔以白彥敬

攷異海陵紀作

彥恭係一人汪輝祖金史同名錄云本名遙設卷三
太宗天輔七年遼官卷五海陵貞元二年博州同知

三人同名遙設又彥敬父遼率府率
阿斯與海陵嫡母徒單氏侍女同名為北面兵馬都

統赫舍哩

原作統石烈

志寧副之完顏古雲

原作英為西北

路兵馬都統唐古布古岱

原作唐括索姑的攻副之

以討薩巴等薩巴既西行而眾不欲往偽署六院節

度使伊喇幹罕

攷異國語解云滿洲語袖頭也原作

送臣傳云幹罕姓耶律氏故亦稱伊喇非后族也本
紀誤熊克小紀作鄂哈通鑑輯覽作鄂幹又異汪輝
禮金史同名錄云母名徐輦卷五海陵紀

天德三年壽甯縣主亦名徐輦另一人兵官辰嘉

原作殺薩巴執老和尚博多布等幹罕自為都元帥

辰嘉為都監擁眾東還至臨潢府東南新羅寨冬
十月丙午世宗即位於東京改元大定以完顏古雲

金史紀事本末

卷二十六

四

爲左副元帥駐歸化遣伊喇扎巴

原作移刺扎八

招契丹諸

部爲亂者札巴等見幹罕以上意諭之

攷異任熊祥傳字子仁燕

人遼末第進士入金爲樞密院令史時高慶裔攝院

事熊祥未嘗阿意事之大定初爲太子太師時幹罕

竊號用兵未息上憂之詔百官議所以招伐之宜熊

祥請以恩信招懷之帝問孰可使熊祥請行帝曰卿

老矣無煩爲

此紀未載 旣約降復謂札巴曰若降汝能保我輩

無事乎札巴見幹罕勢富強度其有成反說之曰汝

等兵勢強盛若果有大志吾不復遣賊將綽哈

原作遜幹

亦阻之遂不降札巴留賊中其副博哈

原作播幹瑪哈

麻還歸

攷異忠義傳額里頁亦作說里也爲尙廐局直長遣招諭契丹幹罕叱使跪不屈被殺從

者閏孫史大習馬實達爾博多皆遇害事聞

贈額里頁宣武將軍餘校尉幹罕傳未載 幹罕引

兵攻臨潢府總管伊蘇瑪勒兵敗被執進圍其城衆

至五萬

攻異宏簡錄作移室懣前敗契丹兵殺萬餘賊於伊改河以功遷臨潢尹本傳姓溫特赫

氏率賓路人官德昌軍節度正隆末契丹反敗會寧六明安於提木嶺屯於信韓二州之境伊蘇瑪勒率數千人殺賊萬餘於雅哈河遷臨潢尹幹罕來攻接戰勦殺甚衆所乘馬中流矢而仆爲賊所執奪執至城下使招降其妻子官屬登城臨望厲聲曰我恨軍少不能滅賊賊毋能爲也慎勿降賊怒殺之推官麻珪等皆感激拒守賊引退

所載各異幹罕傳均未書

十二月幹罕稱帝改元

天正時都統白彥敬副統志甯在北京聞世宗卽位

以兵來歸乃使左都監烏哲庫

原作吾札忽本傳泰州博勒和子屢從侵

宋有功契丹反與伊蘇瑪勒同討之大定初改咸平尹徙臨潢攝左都監與歡塔俱從實圖美解臨潢之圍及寇退泰州得完徒百姓旁邑及險阨地以俟大軍戰長濼陷泉皆有功卒官呼爾哈節度善用軍所

往無不克號為右都監實圖美本諸宗室從志寧敗

鶻軍所載稍異有功仕至博索路都總管父胡速魯改與卷六廣寧

世宗紀大定二年丹州刺史姓赤蓋氏者同名廣寧

尹布薩歡塔原作僕討之本傳扶餘路人樞密使呼

歡塔官與平軍節度幹罕反為行軍都統賊平改臨

黃尹終利涉軍節度所至有治聲攻異幹罕傳無布

薩歡塔尚有同知北京留并救臨潢比至賊解圍去

守完顏果濟所載互異

攻泰州烏哲庫追及於幹里原作山將戰明安呼魯

蘇原作忽以所部應賊大軍遂敗攻異楚呼傳姓尼

初從大臭南侵宋屢有功授慶陽尹與都統烏哲庫

副統琿等討幹罕行至幹里與之遇左軍少卻楚呼

挺槍既入其陣殺多人賊乃退契丹平遷東北秦州

招討使忤思敬坐事被逮自縊死幹罕傳未載秦州

節度使烏哩頁原作烏哩雅攻異汪輝祖金史同名

錄云卷六世宗大定四年宿直將軍

姓完顏氏卷八十一夾谷謝奴
傳太宗時將三人同名烏哩雅軍與賊遇亦戰敗烏
哩頁僅以數騎免賊勢益張賊四面登城明安烏克
遜阿里布力戰斬賊甚衆賊退城賴以完

世宗大定二年春正月庚寅遣右副元帥完顏默音
率師討蕭幹罕 二月詔應賊諸人於賊中自拔來
歸者更不問其有官職及率衆歸附者仍與官賞才
能者錄用奴婢宮籍監人皆與放免如能捕殺幹罕
者加特進授眞定總管庚寅遣平章政事伊喇元宜
往泰州規措邊事乙未兵部侍郎溫都珠德勒等與
幹罕戰敗於勝州 夏四月己巳完顏默音等大破

幹罕於長樂乙亥復破之於霧霖河先是瓜里將犯

韓州聞元帥兵至不戰遁去將轉趨懿宜州默音屯

懿州慶雲縣及屯川州武平縣

方輿紀要云霧霖河在臨潢西南境長樂

或云卽饒州長樂縣攷異說文繫傳云天氣下地不應曰霧地氣發天不應曰霧霖風雨土也地理志云

慶雲縣屬咸平府武平縣初隸高州今屬大定府幹罕遂自泰州往攻濟州

欲邀糧運默音與右監軍完顏福壽

本傳哈斯罕人父和卓國初來

歸授明安福壽襲其職仕至興平軍節度

左都監烏哲庫合兵萬三千總

管圖克坦克寧與布薩歡塔完顏頁頁

原作巖雅

唐古烏

延爲左翼節度使志寧實圖美與完顏果濟尼瑪哈

楚呼

原作龐古鈔兀

爲右翼至珠格崖委輜重齎數日糧輕

騎襲之降人吉勒扎

攷異克甯傳作降吏奇徹云原作札者

說默音攻

賊巢穴取輜重乃乘夜亟發幹罕知之還救遇於長
樂伏兵四起賊不能支諸將整陣力戰忽反風揚砂
賊陣亂官軍馳擊大破之幹罕率眾西走追及之於
霧霰河賊已濟毀其津口令於下流束柳填港過追
數里得平地方食賊奄至志甯軍急整陣賊自南岡
馳下衝陣者三志甯力戰流矢中左臂戰自若大軍
畢至左翼騎兵先與賊接賊據上風縱火擊官軍官
軍步兵亦至併力合戰會天雨風止官軍奮擊大破
之克甯追奔不及而還

攷異克甯傳大軍遇賊於長
灤賊二萬餘欲繞出陣後克

寧奮擊賊乃却左翼萬戶襄與大軍合擊賊遂敗追
奔十餘里時四月一日也越九日迫及於霧霰河左
翼先戰克寧騎三千追掩十五里賊迫瀾不得亟渡
殺傷甚衆賊收軍克寧令軍士下馬射賊賊遂引而
南所載互異襄傳時從默音與賊戰於肇州之長灤
襄先登塵戰足中流矢襄創以戰氣愈厲七戰皆勝
賊走渡霽霧河迫及之所駐地多草賊乘風縱火襄
亦縱火立空地以埃尋率衆搏戰大敗之俘獲萬計
幹罕傳未賊既敗默音不復追討駐軍白灤幹罕攻
載襄戰事

懿州不克遂破川州於是發驍騎數萬命左都監高

忠建總兵往討右宣徽使宗亨

本傳本名托卜嘉希
卜蘇之孫呼沙呼子

也性忠謹充護衛擒宗磐宗隲有功加忠勇校尉從
海陵南伐領武陽軍都總管過淮得世宗手詔即入
朝授右宣徽使討契丹賊爲西北路都統爲北京路都統完顏德濟副之

會元帥府擊賊

五月己亥以志寧爲右監軍默音

坐逗留與福壽均召還以布薩忠義爲平章政事兼

右副元帥

攻異克寧傳謂宜更置良帥可有功否則騎

雖十倍未見其利朝廷如經畧契丹以宗敘爲兵部

尙書宗尹爲河南統軍使富察世傑爲西北路副統

從行未幾與賊戰於和托左翼軍萬戶扎拉奮擊敗

之左翼宗亨軍亂敗於賊右翼宗敘引兵來救賊乃

退

攻異扎拉傳一作查刺姓烏雅氏率賓路人慶陽

辟易雖重圍萬衆出入若無人之境時大軍未集扎

拉領六百騎與賊戰斬首三千宗亨世傑七穆昆兵

戰不利世傑走扎拉軍賊攻之扎拉拒戰宗亨軍來

援賊乃去所載稍異今從幹罕傳又同時有名扎拉
者姓瓜爾佳氏隆州人工部尙書
實訥子仕至西北招討使另一人
幹罕西走忠義志

寧合軍追及於裊嶺

攻異世宗紀及志寧傳均作諾爾嶺方輿紀要云裊嶺在臨潢

西南今翁牛特左翼西南一百十里里有裊嶺字形相近或卽是也

西陷泉明日賊騎

三萬涉水而東大軍先據南岡作偃月陣步兵居中

騎兵據其兩端使賊不見首尾是日大霧晦冥旣陣

霧開少頃晴霽

攻異忠義傳時昏霧四塞忠義禱日狂寇肆暴殺戮無辜天不助惡當爲

開霽莫已昏霧廓然幹罕傳未載

賊見左翼據南岡不敢擊擊右翼

軍烏延扎拉力戰賊稍卻志寧率諸將合戰賊大敗

攻異扎拉傳賊先犯右翼扎拉擊走之幹罕使阿卜薩自後斫扎拉拉回顧以簡背擊阿卜薩折其右

臂與志寧軍合擊賊大敗又楚呼傳以前鋒將涉水追及幹罕於陷泉大破之幹罕傳均未載

去大軍逐北人馬相蹂踐死者不可勝計陷泉皆平

踵擊餘眾俘斬萬計

攷異襄傳從忠義追賊至梟嶺西之陷泉及之率右翼軍先奮

擊賊大潰人馬相蹂而死陷泉幾平賊首幹罕僅與

數十騎遁去卒就擒論功爲第一授亳州防禦使時

年三十三幹罕

生擒其弟偽六院司大王諾爾

原作

傳未載襄事 幹罕僅與數騎脫去瓜爾佳清臣等追之不及斬干

餘級獲車帳甚眾其母蘇尼自羅和岡西走志甯追

及之獲其輜重俘五萬餘人雜畜無算僞節度使六

及其部族皆降

攷異宏簡錄云六月忠義與窩幹戰於花道大敗之史未載

幹罕

合散卒萬餘人入奚部時出寇蘇勒庫淀古北口興

化之間萬戶溫特赫阿魯岱與戰敗焉

攷異幹罕傳時阿魯岱以

兵四千屯古北口薊州石門關等處各以兵五百守

之阿魯岱蒙古語山陰也舊作阿魯帶蘇勒庫淀作

蘇嚕克古旋蒙古語牧羣也舊作速魯今俱譯改 詔默音等合兵擊之完顏

思敬以所部兵助討賊降者甚眾餘多疾疫死無復

關志幹罕度勢窮

攷異世宗紀時左監軍高忠建破奚於栲栳山及招降旁近奚六營

有不降者攻破之盡殺其男子以其婦孺分給諸軍

忠義傳云時伊喇道取茂巴爾諸奚之家茂巴爾奚乃降幹罕勢益窮本傳未載 謀自羊城道西京奔夏國大軍追益

急眾多散度不得西乃北走沙陀間志寧獲賊朔和

卓

攷異志寧傳作碩和卓

弗殺縱還許捕幹罕以自効 秋九

月甲午默音擒奚明安和卓

原作合住此與本卷中之和卓非一人 庚

子朔和卓與錫勒塔干執幹罕詣右都監思敬軍并

獲其母蘇尼及其妻子子婦弟姪唐古布古岱獲前

節度使順

原作什温

及其家屬李嘉努

原作李家奴見卷一百三十三窩幹

傳世宗時西北招討使至卷二太祖紀天輔二年詔招諭未降者亦名李家奴另一人

獲偽樞

密綽哈等三十餘人偽監軍納延亦降仍獲偽都元

帥酬格

原作醜哥

志寧率清臣等追餘黨至燕子城

地理志云

卽柔遠縣隸宣德州

盡得其黨前至茂巴勒達

原作抹拔里達

之地均

獲之逆賊悉平

攷異宏簡錄云九月乙未詔右丞統石烈良弼招撫奚契丹之未降者幹

罕傳未載詔天下思敬獻俘於京師梟幹罕首磔其手足

分懸諸京府其母妻并戮之瓜里札巴南奔宋左宣

徽使宗亨坐降甯州刺史以思敬爲右副元帥忠義

擢右丞相志寧遷左副元帥朔和卓錫勒塔干除同

知節度事

攷異諾延溫都烏達傳太師思忠姪幹罕初定人心未安世宗召授咸平尹爲北邊

行軍都統改會寧尹爲治寬簡多備禦謹斥候邊郡以益入拜參政卒紀未載續通考云大定十七年以西南西北招討司恐契丹餘黨生事

令遷於烏古里古壘部及上京之地

章宗承安元年冬十一月庚寅特們

原作特滿

羣牧契丹

圖卜蘇

姓也原作隨鎖今從入旗姓譜改正

德壽

攷異卷七十一宗敘傳本名大定時參政

人另一

據信州反建元曰身聖眾號數十萬遠近震駭

左丞相襄時行省事於北京遣臨潢道總管烏庫哩

道遠咸平總管富察守純分道討之擒德壽送京師

伏誅

本傳云初襄之出鎮也至石門鎮密謂僚屬曰北部犯塞奚足慮第恐姦人乘隙而動北京近地軍少當預爲之備卽遣官發上京等軍六千至果得其用按石門鎮在薊州東六十里俗呼石門口亦

呼石門峽山峽壁立卽郭藥師敗宋師處大金國志
云泰和元年耶律德壽叛聚兵數萬以毛尾爲大帥
主拜十一騎爲元帥乾石烈善樂爲招討使將兵三
十萬以擊之誅德壽毛尾遂追其餘衆至草地凡六
十日而歸與
史異今從史

金史紀事本末卷二十六

金史紀事本末卷二十七

賜封資政大夫 特賞內閣中書前江西峽江訓導萍鄉李有棠編纂

海陵南侵

海陵天德二年春正月乙巳遣完顏思恭等以廢立

事報宋二月甲子以完顏元宜充賀宋生辰使

攷異 交聘

表二年正月辛巳以名諱告諭宋遣都指揮使完顏
思恭翰林直學士翟永固爲報諭宋國使二月甲子
以兵部尙書完顏元宜修起居注高懷貞爲賀生日
使繫年要錄云紹興二十年五月甲午金賀生辰使
副完顏思恭翟永固見於紫宸殿思恭等來報亮代
立既出境就遭來賀與表異恐當以表爲正見錢大
昕金史攷異今從海陵紀思敬傳名薩哈扎蘭河人
實圖美子初名思恭避顯宗諱改卒官樞密使熊克
小紀云紹興十九年三月思恭等入見貢

金注梳二綾羅三百良馬六紀又未載

三月丙

戊宋遣使賀卽位詔以天水郡王玉帶賜之

致異交聘表宋

正使參政余唐弼副使保信節度鄭藻宋史及繫年要錄唐弼作堯弼宏簡錄作康弼史作唐弼係避世

宗父諱追改之耳是冬金遣秘書監蕭曠翰林待制王兢賀宋正旦紀未載

三年夏六月丙子宋遣使祈請山陵不許

致異續綱目云二月

以簽樞巫伋爲祈請使至金首請迎靖康帝歸國金主曰不知歸後何處頓放伋唯唯而退熊克小紀云

巫伋與余堯弼乞今後朝退依典故權赴檜府第聚議從之蓋皆檜黨也交聘表副伋者保信節度鄭藻

是年宋賀正使副禮部侍郎陳誠之均州觀察使錢

豐賀生辰則權直學士王暉和州團練使趙述又三

月遣少府監耶律烏格使宋賀生辰十月以副點檢

富珠哩阿哈使宋賀正宋史作兀朮魯定方繫年要錄云五月金使詹事劉長言指揮使耶律夔賀天中節十二月使烏珠魯定方蕭永祺賀正熊克小紀云紹興二十一年正月禮部兼侍諳陳誠之使金初暨之存也本朝太后歲與亶妻禮物巨萬至是亮代遂

輟此禮誠之入北豫爲遜辭論之彼國竟不敢言及遣上嘉之紀均未載

四年春正月丁酉朔宋使賀正旦

正使爲檢正文字陳夔副使惠州刺

史蘇華

壬子宋使賀生辰

正使爲檢詳文字陳相副使吉州刺史孟思恭

冬

十月甲申以太子詹事張用直

本傳臨漢人以學行稱宗幹延置門下海

陵與兄充皆從學賜及第海陵立進太常卿詹事謂曰朕父子皆受卿學亦儒者之榮使宋賀正卒於汴喪歸親臨奠子授武義將軍攷異宋史作張左司郎

中溫都威泰

原作幹帶攷異繫年要錄作爲賀宋正

旦使

攷異繫年要錄云五月金使大理卿田秀穎客

省使大允賀天中節交聘表秀穎官刑部尙書

大允作大斌官東上閤門使紀均未載

貞元元年春正月辛卯朔帝不視朝命有司受宋貢

戲丙午生辰宋遣使來賀

攻異充傳海陵弟官太尉天德四年十二月晦卒明

年元旦帝輟朝不受賀紀未書繫年要錄是年宋賀

正使副權國子司業孫仲鼐宣贊舍人陳靖賀生辰

使副吏部員外郎李琳忠州防禦使石靖宋史失載 三月遷都燕京 夏四

月辛酉以右宣徽使赫舍哩薩哈連

原作統石烈撒合輦宋史作大

雅副使兵部郎中蕭簡

使宋賀生日冬十一月丙申以戶部尙

書蔡松年使宋賀正旦

攻異繫年要錄作統石烈師顏副使右司郎中羅索

二年春正月甲寅朔帝有疾不視朝宋使就館燕乙

巳宋使賀生辰

攻異賀正使副檢正公事施鉅帶御器械翼彥明生辰使副左司郎中吳

東宣贊舍人張彥攸宋史吳桌賀正且加鉅賀生辰所載各異紀均未書

夏四月辛卯

遣工部尙書耶律安禮吏部侍郎許霖賀宋生日

攻異

繫年要錄 冬十月庚子遣刑部侍郎白彥恭賀宋正

旦彥敬傳本名約索博勒和部族人避睿宗諱改名

完顏思敬同本傳疑誤時副使翰林待制胡勵本傳

字元化磁州人天會十年舉進士第一卒官刑部尚

書 十二月丁未宋使貢方物致異宋史及繫年要錄均無遣使事潘永

因宋稗類抄云施聖與嘗使金親王至不肯退班時

稱其有守金使至闕問館伴曰師點今居何官館伴

宇文价指示之金使恍然曰一見正人令

人眼明按聖與使金未知何時姑附於此

三年春正月己酉朔宋使賀正旦正使爲國子司業沈虛中副使毅武

郎張甲子宋使賀生辰正使爲左司郎中張士襄副使宣贊舍人張恍致異熊克

小紀云明年上謂宰相曰去歲士襄奉使回朕前奏

事欺罔不實宰臣祇以不肅罷之既與以宮祠可與

遠小監當以爲三月庚午遣左司郎中李通賀宋生

將來奉使之戒

日攷異交聘表副使同知夏五月癸丑南京大內火

攷異續綱目云金主陰有南侵意將遷汴遣完顏長

寧等經畫之既而大火宮室盡焚主大怒杖殺長寧

載紀未冬十月己亥遣翰林承旨耶律歸一賀宋正

旦副使大理少卿馬誠紀未書攷異熊克小紀云紹

錢米違者彈劾初和議定時國書中有不得輒易大

并捕趙鼎子汾下大理獄凡五十三人獄上而檜病

篤不能書等死子熺以少師致仕方詔獄之興逮百

餘家帥臣王師心隨事救

之得免者多檜死獄乃熄

正隆元年春正月癸卯朔宋使賀正旦正使爲禮部

使宣贊舍人王漢臣戊午宋使賀生辰正使爲宗正丞鄭栢副

使宣贊舍人李大投攷

異繫年要錄云栢因張修

三月庚申遣左宣徽使

劾罷改命徐嘉紀未書

敬嗣暉大理卿蕭中立賀宋生日

攷異宋史云三月東平進士梁勛上

言金人必舉兵宜爲備帝怒編管千里外州軍下詔

戒妄言邊事四月宋遣翰林學士陳誠之領閣門事

蘇華賀尊號交聘表失書紀亦未載熊克小紀云時

誠之假官資政殿大學士曾於紹興十八年賀生辰

至是凡三使頗見信後有往聘者必問其安否是秋

七月丁未夜彗出東方井宿間詔避殿減膳士庶直

言得失輔臣沈該等待罪上曰看所臨分野當在秦

晉間朕以天下爲憂豈問遠近耶又謂宰執曰比年

金使到館朕給內庫錢一萬付都亭驛備人使買物

先爲還其直其歸還與否亦不較也潘永因宋稗類

抄云是年淮宋之地將秋收蝗飛蔽天忽有鳥名鶯

高且大脰有長喙可貯數斗物千百爲羣連城數十

朔遣右司郎中梁球左將軍耶律湛賀宋正旦

攷異

要錄湛作謹金無左將軍官錄稱定遠大將

軍當從之亦見范成大攬轡錄紀未載湛名

聞金廷下制封鶯爲護國大將軍

冬十一月己巳

金史記事本末

卷二十七

四

二年春正月戊辰朔宋使賀正旦

正使爲宗正少卿李琳副使幹辦公

事宋均

癸未宋使賀生辰

正使爲左司郎中葛立方副使宣贊舍人梁份

夏

六月乙未遣禮部尙書耶律守素賀宋生日

繫年要錄副使

爲太常少卿許岷致異交聘表岷作茲官刑部侍郎

冬十一月辛未遣副都指

揮使高球巴克

原作高助不古攷異繫年要錄正使爲高士廉副使珠勒根彥忠本傳原名幹克珊哈斯罕人由令史歷刑部尙書使宋還所得金緡分贈親友交聘表彥忠作溫綽云原作阿勒

根宏產又異

賀宋正旦

三年春正月壬戌朔宋使孫道夫賀正旦陛辭海陵

使敬嗣暉諭曰歸白爾帝事我上國多有不恭今略

舉二事爾民有逃入我境者邊吏皆卽發還我民有

叛入爾境者有司索之往往託辭不發一也爾於沿

邊盜買鞍馬備戰陣二也我聞此二事皆爾國楊太

尉所爲又曰爾國比來行事殊不似秦檜時何也蓋

欲南侵故設此二端而雜以他辭言之攷異宋史紀事本末云道

夫還具奏海陵語帝曰朝廷待之甚厚彼以何名爲

兵端道夫曰彼身弑其君而奪之興兵豈問有名湯

思退非之道夫每言武事沈該疑其引用張浚惡之

稜人時官禮部侍郎繫年要錄作道夫字大冲眉州丹

太常少卿副使爲宣贊舍人鄭朋丁丑宋使賀生辰

正使爲起居郎劉章三月辛巳遣兵部尙書蕭恭

副使舍人李邦傑攷異畢沅續通鑑云時副使魏子平還朝

賀宋生日

帝問蘇州與大名孰優對曰不可比日何

謂也曰宮室車馬衣服飲食人之所美也江湖卑溼

舟船以爲居魚鰕以爲釀夏服蕉葛猶不堪其熱蓋

不侔矣主時欲南侵

聞之不悅紀未載冬十一月辛酉遣工部尙書蘇

保衡賀宋正旦

副使爲率府率阿克占謙攷異交聘表副使吏部侍郎阿克占和實瑪勒

云原作阿典和實瑪所載各異

癸未詔左丞相張浩參政敬嗣暉營

建南京宮室

嗣暉傳字唐臣易州人天眷二年進士官參政攷異宋史紀事本末云時國子

司業黃中使金還上言金治汴京以迫我宜早爲備果至汴則強兵健馬數日可及境思退怒貶官中字

通老邵武人大金國志作黃允中官工部侍郎紀未載

四年春正月丙辰朔宋使賀正旦

正使爲祕書少監沈介副使閣門祇

侯宋直溫辛未宋使賀生辰

正使爲司業黃中副使閣門祇候李景夏攷異宋使黃中

使金作去年事見上畢沅續通鑑云是月命罷沿邊諸權場祇留泗州一處

二月丁未

修中都城造戰船於通州

攷異大金國志董是役者戶部尙書蘇保衡侍郎

錫夫死甚眾張棟正隆事迹尙有郎中張彥愈宋史
張浩敬嗣暉及內侍梁漢臣降將孔彥舟諸人宋翌
金亮本末繫之諭宰臣以侵宋事調諸路明安穆昆
十月紀均未載

軍年二十以上五十以下者皆籍之雖親老丁多亦

不許留侍續綱目云前後簽軍五十餘萬人三月丙辰朔遣使分詣

諸道總管府督造兵器詔諸路舊貯軍器並致於中

都攷異宋翌金亮本末云十月命集諸路夫匠造軍器於燕京以李通董之時工役繁興民不能堪箭

翎一尺至干錢村落間往往椎牛以供筋革至鳥雀

狗彘無不被害者鄭建充傳正隆軍興括筋革造軍

器百姓多椎牛取之或生拔取其角牛有泣下者建

充白其事於朝時官平涼尹後爲胥吏李換誣其藏

甲徵反下獄死夏四月辛亥遣祕書監王可道賀

宋生日副使爲左司郎中王蔚攷異畢沅續通鑑云

日月宋歸朝宮李宗閱上書言備金三事宋

史作李宗閏繫年要錄云是李遯子秋八月詔諸路調馬以戶口爲差

計五十六萬餘匹富室有至六十匹者仍令戶自伺

養以俟師期攷異續通考云天會三年七月詔南京

保蒲速幹燕恩兀者五羣牧所皆因遼舊設官分治

又於諸色人內選家富丁多及品官家子猛安謀克

蒲輦軍等使之司牧日羣子分牧并立刑賞格契丹

之亂遂亡其五存者馬駝千餘正隆四年調諸路馬

五十六萬匹大定時置牧所七更定賞罰末年馬至

四十七萬牛十三萬羊八十七萬駝四千衛王以後

屢次括馬哀宗時至殺冬十月乙亥獵於近郊觀道

官馬犒軍士以迄於亡

州造戰船 甲辰宋使上表謝賜詔戒諭攷異繫年

九月稱謝使同知樞密王綸昭信節度曹勛還朝入

見卽此事續綱目云綸還言和好無他盛德所致思

退等皆賀帝深嘆進取非計綸字德言建康人按宋

史曹勛傳王綸作王倫倫死在紹興十四年安得二

十九年尚有與勛同使之事及閱王綸傳始知其
誤見趙翼劄記海陵紀未載宋使事今從交聘表

十一月甲辰遣翰林侍講學士施宜生賀宋正旦

異攷

交聘表副使爲宿州防禦使耶律必時里原作闕里

刺繫年要錄名翼紀未載卷七十二婁室傳遼奉聖

州守臣闕里刺另一人宋史紀事本末云宜生闕人

帝命吏部尚書梁燾館之都亭驛以首邱諷之乃爲

隱語曰今日北風甚勁又取几間筆扣之日筆來筆

來後爲介所告主烹之燾字况之鄆州須城人宏簡

錄云宜生密言其主圖繪山水題詩專帝始驚懼張

端義貴耳集云宜生邵武人宋穎州教授以罪北走

仕金試一日獲三十六熊賦擢第一破題云雲屯八

百萬騎日射三十六熊翰墨大全云試賦爲狀元潘

永因宋碑類鈔云宜生少遊鄉校遇異僧善風鑑謂

面有權骨可公卿身毛皆逆上且覆腕時范汝爲訂

建劍干以秘策尊用之范敗變服爲備渡江至泰匿

吳翁家三年至龜山仍遇前僧資之渡淮至燕上書

被繫赦得釋應歸義試擢第一歷官禮部尚書僧後

至金宜生薦爲天使國師李心傳朝野雜記云涓熙

熙

中北使賀正自負其辨頗凌慢王人韓彥古子師時
爲館伴北使自誦其廷賦雲屯一百萬騎僅能得三十六熊何
十六熊句子師遽曰一百萬騎僅能得三十六熊何
其勢也使惘然熊射侯也韓不學竊以爲熊羆之熊
故使猝然無以應自是辭色頗恭日下舊聞考薊州
學有金正隆元年翰林直學士施宜生撰漁陽重修
宣聖廟學碑字蹟剝落學在城內拱星街明洪武七
年修見圖經志書顧奎光金詩選載其平陽書事詩
云春寒宰宰透春衣沿路看花緩轡歸穿過水雲深
密裏馬前蝴蝶作團飛元好問中州集宜生字明望
浦城人曾仕齊自號三住老人有集行世賦柳云朱
門處處臨官道流水年年繞禁宮山谷草書云行所
當行止所當止錯落中間有條理意溢毫搖手不知
心自書空不書紙初在潁州日從趙德麟遊頗得蘇
門沾丐云張隸正隆事迹云修撰蔡珪作詩書屏上
日萬里車書一混同江南豈有別疆封提兵百萬西
湖側立馬吳山第一峯主與馬韓哥坐論勝概奮髯
箕踞不勝其銳薛應旂通鑑云初孫何帥臨安柳耆
卿作望江湖詞贈之極言景物繁華其詞流播因而
羨慕潘永因宋稗類鈔載其詞云東南形勝三吳都

會錢塘自古繁華煙柳畫橋風簾翠幙參差十萬人
來雲樹繞堤沙怒濤捲霜雪天塹無涯市列珠璣戶
盈羅綺競豪奢重湖疊嶺清佳有三秋桂子十里荷
花羌管弄晴菱歌泛夜嬉嬉釣叟蓮娃千騎擁高牙
乘醉聽簫鼓吟賞烟霞異日圖將好景歸去鳳池誇
後謝處厚有詩云莫把杭州曲子謳荷花十里桂三
秋那知卉木無情物牽動長江萬里愁大金國志云
主聞李貴兒唱望海潮詞梁大使曰此神仙詞也亮
贈其相溫敦詩曰一醉吳山頂上峯見王之望文集
序潛說友咸淳臨安志云吳山在城中宋人祠子胥
山上因名胥山盧元輔作胥山銘燬於火樂史太平
寰宇記云北有寒泉清甘不竭西湖在郡西舊名錢
塘湖出於武林泉周迴三十里自唐及今爲遊觀勝
地中興以來衣冠之集宮室之麗尤非昔比趙翼劄
記云主嘗令畫工密圖杭州湖山親
題詩其上有立馬吳山第一峯之句
十二月乙卯
宋遣使告母韋氏哀
攻異繫年要錄正使爲翰林學
士周麟之副使吉州團練使蘇
華時亮喜麟之辨利宜賜金瀾酒三樽銀魚牛魚各
一盤皆金寶器併賜麟之歸檝進賜之周輝清波雜

金史紀事本末

卷二十七

八

志云顯仁上仙遣使告哀并致遺留物金器二千兩
銀器二萬兩銀絲合十面各寶以玻璃玉器香藥青
紅燃金錦二百疋玉笛二管玉鳳栗二管玉簫一措
象牙拍板一串象牙笙一措縷金琵琶一副縷金龜
同稽琴一副象牙二十株時宗樞持節往次燕二日
中貴人密餉金瀾酒二尊牛魚各一盤皆金寶器并
令留之作使致詞竦賀館人以手加額上謂前此未
有爲特禮也北轅錄云燕山酒頗佳館晏所餉極醇
厚名金瀾酒蓋用金瀾水所釀或作金瀾舊注改作
瀾不知是否集韻瀾阿葛切音邊金有金瀾水范成
大桂海虞衡志載金瀾酒事云金瀾燕京山名周必
大二老堂雜誌云周樞密充金哀謝使主愛之享以
所釣牛魚非舊例也樞密糟其首歸獻於朝同館王
龜齡曰爲魚頭公間金甚貴此魚一尾之直與牛同
按遼主於達掄河釣牛魚以其得否占歲好惡今日
手親新釣金亦用遼制也王易燕北錄云牛魚卽南
方鱗魚馮道使遼嘗得牛魚賜卽此程大昌演繁露
謂卽本草所著東海之魚其頭如牛者非眞牛頭也
按此卽鱒鯉也宋人呼爲牛頭耳周麟之海陵集云
予憇會同館先朝內侍梁大使傳旨賜金瀾頭二餅

銀魚牛魚二盤餅盤皆金銀形製精巧古樂府月穆
穆以金波又洞庭秋月生湖心層波萬頃如鎔金名
蓋取諸此乎燕中暑月於水窖造御酒甚清冽使至
嘗被賜女真多釀麋爲酒盛饌鴈粉爲貴以木梓貯
之其潘墨色以葱蒜置其上麟之詩曰金瀾酒皓月
委波光入牖冰台避暑壓瓊艘火炕敵寒揮玉斗追
歡長是秉燭游日高未放傳杯手生平飲血狐兔場
釀麋爲酒瓊爲裳猶存故事設茶食金剛大錫胡麻
香五辛盈盤鴈粉黑豈解玉食羅瓊漿南使來時北
風冽水山峩峩千里雪休嗟北酒不醉人別有班賜
下層闕或言此酒名金瀾金數欲盡天意闌醉魂未
醒酸未覆會看骨肉爭相殘一雙寶榼雲龍翥明日
朝辭倒壺去祇留餘瀝酌昭臺帝鄉自有薔薇露按
金俗又重茶食國初尤尙此品若中州餅餌之類多
至數十種用大盤累釘高數尺所至供
客賜宴亦用焉一種名金剛獨尤大
副點檢六懷忠使宋弔祭
錄作勞延溫都謹熊克小紀大懷忠官左宣徽使勞
延溫屯謙原作擣盈溫都謹官禮部侍郎繫之紹興

三十年二月為正隆

乙亥大醫使祁宰諫侵宋殺

之使大金國志作翰林學士祁宣本傳字彥輔江淮

人宋季以醫術補官入朝官中奉大夫欲自劾會元

妃疾入視卽上疏諫南侵言甚激切戮於市籍其家

天下哀之世宗時贈資政大夫給還田宅章宗錄用

其子忠勇校尉諡忠毅宏簡錄載疏畧云况今各安

土字師出無名加以大起徭役營建兩都繕治甲兵

調發軍旅賦役繁重民人怨嗟星變屢見已歲自刑

害氣在揚州太白未出進兵者敗地利不便舟師水

涸騎兵馳射不可驅逐又云主謂其疏為綦戩筆杖

之實不知也張棟正隆事迹云奏曰民為邦本本固

邦寧今則北造軍器南修宮室民苦轉輸不勝疲弊

來歲害氣在進不利行師伏望曲從臣請煬王江上

錄云宣奏曰陛下棄宮殿幸諸州敗盟興師無故舉

事與工動土修造兩京內開無用之河嗟怨盈路太

乙出現謂妖不畏伏望察天地之不祥收兵罷役通

和南宋復還故都天下幸甚主

怒族誅之所載互異姑附錄之

五年春正月庚辰朔宋使賀正旦

正使爲起居舍人楊邦弼副使榮州

刺史乙未宋使賀生辰

正使爲太府卿李潤副使宣贊舍人張安世

二月

壬子宋參知政事賀允中爲韋后遺獻使

攷異繫年要錄副使

爲保信節度使夏四月宋使葉義問來謝弔祭

攷異

鄭藻紀均未載官樞密字審言嚴州壽昌人副使爲和州防禦使劉

允升紀及交聘表均未載熊克小紀云義問還朝密

奏金將入侵宜備海道既又奏應變持久二說不報

時太常奏金使來賀天中節詔工部侍郎黃中充館

伴故事錫宴使者謝於庭下至是辭以方暑請拜庶

下中持不可乃如故及送伴還言聞金日繕甲兵不

休且重兵屯中州宜甲寅宿州防禦使耶律翼坐

使宋失體杖二百除名秋七月癸卯遣使簽諸路漢

軍 攷異張棟正隆事迹時使者爲尙書梁球蕭德溫

侍郎高懷正等十五人熊克小紀云時亮命梁球

蕭德溫先計女真契丹奚家三部之衆不限丁數悉

簽起之凡二十四萬壯者爲正軍弱者爲伊勒希一

正軍以二伊勒希副之類爲十二萬又中原漢兒與

渤海軍總十七路惟中都路造軍器河南路修汴京

免簽外其十五路通爲二十七萬做唐制分爲二十

七軍正副諸軍悉令蕃漢相兼毋用一色人所載較

詳煬王江上錄云時童謠曰正軍三匹馬簽冬十月

軍兩量鞋郎主向南去趙老送燈臺紀未載

庚午遣完顏希琳原作普速等二十四人督捕諸路盜賊

籍水手得三萬人攻異宏簡錄云是月遣虞允文賀

允中亦言必叛盟宜爲備不聽命致仕允文字彬甫

隆州仁壽人諡忠肅李心傳朝野雜記云時光州守

強友亮言金主已死胡雛嗣立改元新德大臣信之

虞井父使還言金酋不死已授甲造舟爲南渡計續

綱目云九月以李寶爲浙西副總管寶嘗陷金自海

道來歸召見言北事甚悉令於平江督海舟捍禦寶

河北人卒十一月乙酉遣濟南尹布薩烏哲原作僕

贈少保

翰林直學士韓汝嘉賀宋正旦

攷異宋史作僕散權是年金遣右副點檢

蕭榮諭德張忠輔賀宋生辰交聘表失書

尋使益都尹京等三十一人押

諸路軍器於軍行要會處安置使軍至分給餘則聚

而焚之

攷異宏簡錄云是月戊申夜白氣亘天大金國志云是年楚王澤王德王以南侵爲憂用

梁漢臣譜殺之紀均未載

六年春正月甲戌朔宋使賀正旦

正使爲起居舍人虞允文副使知閣

門事孟思恭攷異允文使金宏簡錄作五年事見上

己丑宋使賀生辰

正使爲檢詳文

字徐度副使帶御器械王謙

庚子詔自中都至河南府所過州

縣調從獵騎士二千二月甲寅以參政李通爲右丞

徵諸道水手運戰船癸亥發中都三月癸巳次河南

府攷異熊克小紀云左僕射陳康伯與參政楊椿密議備敵策有四兩淮諸將分畫地界措置民社寓兵於農沿江諸郡增壁積糧及論劉寶將驕卒少不可專用尋因陳俊卿言罷寶兵柄朝論快之侍御史汪澈亦極陳利害康伯字長卿弋陽人封魯國公諡文正夏四月戊申詔有司

移問宋人蔡頴壽諸軍對境創置堡戍者命簽樞密

院高景山賀宋生日左司員外郎攷異繫年要錄王作刑部侍郎

全副之臨行謂全曰汝見宋主卽面數其罪當命大

臣某某來此朕當親詰問之攷異晁公忞敗盟記云當於湯思退陳康伯王

綸三人內差員及楊沂中鄭藻并內臣一人同來議事且索漢淮之地不從則

厲聲詆責彼必不敢害汝蓋欲激怒爲兵端謂景山

曰回日以全所言奏聞全至宋如言訶斥宋帝曰聞

卿北方名家何乃如是全復日趙桓今已死矣宋帝

遽起發哀而罷

公以風疾故并奏事訖駕興宰執入

議凶制調發軍馬并無遽起發哀之事史蓋傳聞之誤熊克小紀云時宰臣於都堂議舉哀典故有謂上不可以凶服見使者欲俟其去乃發哀黃中亟曰此大事一失禮謂天下後世何且使人或問故將何以對於是始議行禮及

庚戌發河南府次温湯遣使徵

諸道兵

張去爲陳退避策妄傳幸闕蜀人情恟恟陳

康伯曰金敵敗盟神人共憤今日之事有進無退聖

意堅決則士氣自倍願分三衛禁旅助襄陽府部兵三

發應之乃以利州西路都統吳拱知襄陽府部兵三

干戍之退守荆南以視緩急拱玠子也命成閔率兵

三萬戍鄂州侍御史陳俊卿以去爲陰沮用兵乞斬

之以作士氣帝嘉納以劉鈞爲江淮浙西制置使屯

揚州閱字居士邢州人俊卿字應求興化人封魏國

公證正獻潘永因宋稗類鈔云秦會之初得疾宣州

通判李季設醮於天台桐柏觀途遇一士曰公爲太師奉章乎曰然曰徒勞耳數年後張德遠當自樞府再相劉信州當總大兵捍邊若太師不死安有是事耶醮之明日而秦死後果驗

六月癸卯

自汝州如南京

攷異繫年要錄作七月事

宋遣使來賀遷都使韓

汝嘉就境上止之曰朕始至此比聞北方小警欲復

歸中都毋庸來賀宋使乃還

攷異正使爲樞密都承旨徐嘉副使知閭門事

張掄繫年要錄正使初命周麟之辭不行罷官命嘉代汝嘉官翰林侍講學士自是使命遂絕又載在七月稍異北盟會編云亮欲舉兵諫議大夫韓汝嘉自盱眙歸請寢兵講和亮曰汝爲宋游說耶賜死紀及交聘表均未載元好問中州集汝嘉字公度宛平人時子皇統二年進士歷真定轉運坐事轉清州防禦使召爲學士卒未言賜死寄元真同年詩曰十年塵土鬢先斑杖履還來踏故山葉寄殘紅春尙在雲醜濕翠雨仍慳不堪倚樹追前事更恐臨溪見病顏一日暫來千日去何時倦鳥得真還

秋七月

己丑大括天下羸馬官至七品聽留一匹等而上之
并舊籍民馬其在東者給西軍在西者給東軍交相
往來絡繹不絕死者狼藉於道亡失多者官吏懼罪
或自殺所過蹂踐民田調發牽馬夫役詔河南州縣
羸馬所至當給芻粟無可給有司以爲請海陵曰此
方百姓儲蓄尙多今禾稼滿野羸馬可就牧田中借
令今歲不穫亦何傷乎及徵發諸道工匠至京疫死
無數天下始騷然矣盜賊蠭起大者連城邑小者保
山澤所至開劫府庫令人攘取太府監高彥福大理
正耶律道翰林待制大穎出使還朝皆言盜賊事怒

金史紀事本末

卷二十七

三

杖之由是人莫敢言

世宗紀穎後起官祕書丞道傳作伊喇道歷御史中丞簽樞轉

西京留守卒

八月自將三十二總管兵侵宋進自壽春

以樞密使昂

原名瑣都亦作奔睹景祖弟伯赫孫咱

元帥攷異續通考云赫作跋黑又世祖幼子亦名昂

本名吾魯古皇統初封漆水郡王詔署銜加皇叔祖

字卒迨封鄆王另一人宗室表昂本名烏達亦作烏

特官平章封鄆王子正嘉原作鄭家益都尹鶴壽本

名烏達布伊囉幹羣牧使正爲左領軍大都督左丞

嘉子承暉本名福興右丞相

李通副之右丞赫舍哩良弼爲右領軍大都督大宗

正烏雅富呀琿

攻異宋史作烏延蒲盧渾富察通傳本名富琦琿一作蒲魯渾中都路人

從南侵隆州諸軍尤精銳命總之兵壓淮通率騎二

百先濟規敵及奔中敵兵躍出通按兵直前傍有舞

槩來刺者回身射之應弦斃諸軍併擊敗之紀未

載通後事世宗官平章封任國公以開府致仕卒副

之圖克坦貞及永年爲左右監軍許霖富察鄂倫爲

左右都監皆從蘇保衡爲浙東道水軍都統制完顏

正嘉原作鄭家副之浮海趨臨安劉萼爲漢南道都統制

布薩烏哲原作鳥者副之進自蔡州圖克坦喀齊喀原作徒單

喜合爲西蜀道都統制張中彥副之取大散關時昂以

舊將總師從人望通實專其事召諸將授方略令后

與太子居守張浩等留治省事攷異海陵紀分置諸將作九月事李通傳

作八月今從通傳湯王江上錄作五年五月兵分八

路起汴京完顏仲取川陝完顏明取均房阿魯穆爾

自亳州齊芬珠徹自壽州郭拉捫自青齊蘇保衡自

通州所載年月事迹均異又云時御製喜遷鶯詞曰

旌麾初舉正駛驥力健嘶風江渚射虎將軍落雕都

尉綠帽錦袍翹楚怒礫戟鬚爭奮捲地一聲鞞鼓笑

談頃指長江齊駭六師飛渡此去無自墮金印如斗
獨在功名取斷鎖機謀垂鞭方畧人事本無今古試
展卧龍韜韞果見功成朝暮問江右想雲霓以俟元
黃迎路岳珂程史云亮初王岐以事出使詠驛中竹
曰孤驛瀟瀟竹一叢不同凡卉媚春風我心正與君
相似祇待雲稍拂碧空書壁述懷曰蛟龍潛匿隱滄
波且與蝦蟆作混和等待一朝頭角就撼搖霹靂震
山河題瓶中巖桂云綠葉枝頭金縷衰秋深自有別
般香一朝揚汝名天下也學君王著赭黃及遷汴中
秋待月不至賦鵲橋仙詞曰停杯不舉停歌不發等
候銀蟾出海不知何處片雲來做許大通天障礙虬
髯撚斷星眸睜裂惟恨劍鋒不快一揮截斷紫雲腰
子細看嫦娥體態其桀驁之氣溢於言表宋史是月
宿遷魏勝起兵復海州屢敗金兵宇彥威後贈保寧
節度諡忠壯繫年要錄云時汪應辰上復和策王繼
先請斬主兵官帝不擇劉鏡儀寬解詞相似帝怒出
之免繼先官籍
家所載甚詳
九月甲午發南京嬪妃皆從
應旂通
鑑云金兵六萬號百萬種帳相望鉦鼓之聲不絕李
通造浮梁於淮水上將自清河口入淮東遠近大震

丁亥高平人王友直起兵復大名府尋自壽春歸宋授忠義都統制北盟會編云是月夏俊克泗州張超敗金人於光化軍宋史冬十月乙巳陰晦失路是夜作通化軍紀均未載

二更始至蒙城

縣名屬亳州

丁未渡淮將至廬州獲白鹿

以爲武王白魚之兆

宋史紀事本末云時亮渡淮分

軍圍海州魏勝乞援於李寶合擊於新橋敗之拔砦去劉錡扼之於清河口王權棄廬州退屯昭關還至和州錡亦退軍揚州金主入廬州帝議欲航海陳康伯力勸親征從之次平江命葉義問督師虞允文參軍事李心傳朝野雜記云海陵臨江中外震懼陳魯公爲左相獨鎮以靜人心少安會羽書至召輔臣中使屢趣之魯公行益緩上嘗夜出手札散百官浮海避狄公取御札焚之時都人皆遁賴陳不爲搖敵退蜀公與王通老家屬在城中趙姓之遺史云義問見軍報金添生兵願侍史曰生兵是何物遠近傳以爲笑時謂去源樞密繫年要錄去源作土園南宋書云李寶遣孔福敗金人於大人洲穆椿夜攻金營殺其

帥高定山復廬州北盟會編云金入廬州安撫龔璠棄城走都監楊春權州事與金戰殺康定山復廬州邵安淵敗金兵五千於六合又戰於西府橋兵敗真州陷宋史作胥浦橋在儀真縣西十七里楊春作楊椿所載各異漢南道劉萼取通化軍蔣州信陽軍即義紀均未書陽軍隸京西北路攷異輿地廣記云春秋屬申秦漢屬南陽郡晉置義陽郡宋立宋安郡南齊置司州有三關之險後魏曰郢州後周日申州隋改義州又爲義陽郡唐因之今爲義陽軍縣二信陽羅山舒穆魯卞傳時爲武毅軍都總管由別道進遇宋伏兵擊敗之遂下信陽軍及羅山縣至蔣宋守將棄城遁遂取其城所圖克坦貞敗宋王權於盱眙進取揚州前鋒載較詳

軍至段寨宋戍兵皆遁敗宋兵於蔚子橋及巢縣

攷異

大金國志云時金破安豐光利等州萬戶蕭琦以十萬騎取滁州破揚州安簡錄云金騎追王權至蔚子橋統制姚興戰死吳拱復唐州金兵抵樊城守將翟貴王進戰死王彥復蔡州斬其總管楊寓北盟會編

云破蔡州者趙樽安撫劉澤棄揚州走熊克小紀云
金既入兩淮亟命成閔總諸軍回援淮西金劉諤
衆十萬聲言取荆南又欲自光黃擣武昌朝廷慮
由此入江西命吳拱援武昌王敵止之敵果犯襄陽
拱擊卻之周輝清波雜志云韓蘄王嘗在鎮江晚令
帳前提轄王權至金山仍戒不得用船渡懇給浮環
借一卒至西津遂浮以渡登岸僧巨測疑爲鬼神詰
得其詳因指適所歷處皆龜鼉穴日官既不死他日
必貴權後

至和州王權夜以兵來襲射卻之翌日雨

宋人焚積聚宵遁詰旦追之宋兵逆戰明安韓崇軍

卻遂失利武健軍副總管阿薩爾原作阿散卽富察世傑力戰

卻之王權退保南岸攷異阿林傳時爲神勇都管至廬州與宋王權軍十萬戰於柘

臯蔚子橋敗之至和州南復與權軍入萬戰又敗追

殺至江上斬首數千級後以全軍還世宗嘉之擢兵

部尙書從征幹罕軍還至懿州卒紀未書阿林名宋

史高宗紀權退屯采石金主陷和州入揚州劉錡留

金史紀事本末卷二十一

駐瓜洲金兵來爭遣統領員琦逆擊於皂角林大破
之斬其壻高景山及再犯錡病劇詔還鎮江盡失兩
淮地劉沅李橫連戰皆敗魏俊王方死之義問走建
康羅大經鶴林王露云逆亮窺江劉錡病亦同捍禦
亮殲錡亦卒特贈太尉周益公行詞曰岑彭殞而公
孫亡諸葛死而仲達走雖成功有命皆莫究於生前
而遺烈在人可徐觀於身後讀者服其的切北盟會
編云皂角林之戰初殺二千餘人復戰又殺敵橫屍
二十里魏俊作魏友按趙翼劄記引烏延蒲鞞奴傳
載大定二年與延安高景山及宋兵戰於慶陽世宗
紀大定四年冬都統高景山取商州據此則景山未
被殺也所載各異紀均未書方輿紀要云皂角林在
揚州府南
浙東道蘇保衡與宋人戰於海道敗績副
三十里
統正嘉死之本傳係郟王昂子爲火炮所擊赴水死
攻異宋史高宗紀云李寶大敗金兵於
陳家島殺其將完顏鄭家奴等五人擒倪詢等獻於
朝崔皋及金人戰於定山敗之大金國志云李寶之
戰統軍蘇保衡未發旋聞兵敗自經死蓋用馮忠嘉
海道記所書也北盟會編倪詢外尙有應簡後均伏

誅云寶結王世隆趙開等皆來降遂與曹洋等擊破
之金兵被焚及投海死者約數萬獲蘇保衡完顏鄭
家蒲鞞阿元孟斌高什等熊克小紀云時寶遣辨士
招納降附山東豪傑王世隆明椿劉異輩皆來投寶
與子公佐率兵至膠西石臼島時金舟泊唐島相距
止一山候風卽南不知王師猝至寶遣將禱於石曰
神祈風助順果風自南來衆喜爭奮遂大敗之中原
民降者三千餘人遣曹洋飛小舟告捷應簡作商簡
倪詢作倪荀尙有梁三兒等帝降詔獎之授寶靖海
節度沿海制置使李心傳朝野雜記云淮浙姦民倪
詢梁簡等至北地獻議造舟因爲嚮導至是悉被誅
焚舟數百艘獲軍儲器械萬計周輝清波雜志云時
敵舟皆以油纈爲帆舒張如錦繡未須臾噴濤怒浪
捲聚一隅此以火箭還射之煙焰蔽天捷聞錫賚甚
渥御書忠勇李寶四字以寵之按保衡字宗尹雲中
天成人實未死亦未被獲卒官右丞見本傳今從之
鄆王昂傳陳家島作時築臺於江上海陵披金甲登
松林島所載各異

臺殺黑馬祭天以一羊一豕投江中召都督昂及富

瑋瑋曰舟楫已具可以濟江矣富瑋瑋曰臣觀宋舟甚大我舟小而行遲恐不可濟海陵怒曰爾昔從梁王追宋帝入海島豈皆大舟耶明日汝與昂先濟昂懼欲亡去至暮乃使人謂曰前言一時之怒耳不須先渡江也明日遣總管阿林阿薩爾率舟師先濟宿直將軍溫都敖拉國子司業馬欽武庫直長實實皆從戰置黃旗紅旗於兩岸紅旗立則進黃旗仆則退既渡江兩舟先逼南岸水淺不得進與宋兵相對射者良久矢盡遂爲所獲亡一明安軍士百餘人退還和州

攷異宋史紀事本末云金令渡江晨炊玉麟堂先濟者與黃金一兩會義問命虞允文往蕪湖

迎李顯忠交王權軍至采石權去顯忠未來敗兵星
散允文立召諸將勉以忠義曰金帛告命皆在此以
待有功衆請死戰命列大陣不動分戈船爲五部敵
麾數百船絕江來抵南岸者七十餘艘薄官軍軍少
卻允文撫時俊背曰汝瞻畧聞四方立陣後則兒女
子爾俊卽揮雙力出土殊死戰官軍以海鯨船衝敵
舟皆沈敵半死半戰日暮未退會有潰卒自光州來
允文授以旗鼓從山後轉出敵疑援至始遁命勁弩
追射大敗之敵歸者亮皆敲殺之宏簡錄時俊外向
有張振王琪戴舉等李顯忠行狀尚有張榮北盟會
編尙有盛新其被害者爲沈文貴時亮自楊林口出
舟當塗民觀者數十里不斷不啻數十萬人亮色動
又云金以十七舟渡江僅鑿沒其二舟至蹇駒瓜洲
斃亮記所載采石之功未免失之誇詡皆嫉功之言
不足信員興宗采石戰勝錄云時金兵死於岸者二
千七百餘人射死萬戶一人一生獲千戶五人女直三
百餘王明清揮塵第三錄云時諸將已破敵允文偶
至采石遂令奏捷蒙睿知盛新功多賞薄抑鬱死所
載各異周密癸辛雜識云亮窺江步帥李棟建謀欲
斷吳江長橋以扼奔突時洪景伯知平江奏止之俄

又有建策於常熟福山一帶多鑿窋以陷虜馬者趙翼劄記云宋史李顯忠傳亮南侵將濟江王權自和州遁歸命顯忠代詔虞允文趣顯忠交軍於是采石之捷顯忠遣萬人渡江盡復淮西州郡亮切責諸將諸將弒之按允文傳采石之捷顯忠未至其功無與於顯忠又亮因采石之敗卽趨瓜洲剋日渡江未渡而被弒亦非關顯忠也時聞世宗卽位東京謀北歸之復淮西而黃諸將也

且分兵渡江李通不可遂趨揚州過烏江縣觀項羽

祠嘆曰如此英雄不得天下誠可惜也

攷異繫年要錄云亮詣西

楚霸王祠卜濟江不吉命熬其座俄大蛇見棟抵揚

梁其間如數千人大呼亮大驚亟引去史未載州使耶律摩多

原作沒答攷異通鑑輯覽作默達

護神果軍扼淮渡

凡自軍中還至淮上無都督府文書皆焚之乃出內

箭繫帛書其上使射之南岸招諭宋人王權亦縱所

獲金人齎書數其罪命焚之

瓜洲所獲鎮江軍校尉

張千擎舟持書至軍前將士皆變色繫年要錄載亮

書云朕提兵南渡汝望風即去已見汝具嚴天威今

至江上商兵亦不多但汝舟師進退有度朕甚賞愛

若盡陪臣禮舉軍來降高爵厚祿在所不吝倘執迷

不悟朕今往瓜洲渡江必不汝赦允文用顯忠言作

檄曰昨王權望風退舍使汝鴟張已將權重竄典憲

今將乃李世輔汝豈不知若渡江願海陵亟欲渡江

一戰以決雌雄亮大怒所載各異

驍騎果桑原作高僧攷異通鑑輯覽作噶山欲率眾亡事覺殺之下

令軍中卒亡者殺其富埒瑋攷異宋史作蒲里衍通鑑輯覽作富魯章京

富埒瑋亡者殺其穆昆穆昆亡者殺其明安明安亡

者殺其總管士益危懼并令軍士運鴉鵲船及糧船

於瓜洲渡期明日渡江敢後者死攷異宋史紀事本末云允文知亮敗

金史紀事本末

卷二十七

九

必復來分遣海舟繼上流別使盛新扼楊林河口明
日徹至夾擊大敗之焚其舟三百亮率軍趨揚州至
瓜洲周龜山寺允文與楊存中命戰士試舟中流回
轉如飛亮笑曰紙船耳有一將跪奏南軍有備不可
輕拔之楊林渡在和州東二十五里北盟會編云楊
林之戰敵應弦倒者萬數焚其舟百五十李心傳朝
野雜記云焚其舟九百五十所
載互異紀未書兵敗今從之
乙未浙西都統制完
顏元宜軍反遂遇弑并收其妃嬪及李通等皆殺之
攷異蹇駒瓜洲斃亮記云時虢州簽軍雷政渡江歸
順報金主被弑事宋史紀事本末云時元宜遣使議
和未幾金軍在荆襄兩淮者皆拔柵去初金人之犯
邊也鄭樵言歲星在宋金主將自斃至是果驗樵字
漁仲莆田人羅大經鶴林玉露云紹興辛巳亮南侵
高宗下詔親征畧曰惟天惟祖宗既共昌於基運有
民有社稷敢自逸於燕安又曰歲星臨於吳分定成
況水之動鬪士倍於晉師可決韓原之勝洪容齋筆
也幸平江亮授首遂班師岳珂程史云亮瀚盟有上
封事者言吾方得歲寇目送死詔問太史考步如言

陳文正當國請以著之詔書蓋指此又云狄騎初退
朝議尙懷杞憂范宗尹薦朝散大夫毛隨有甘石學
召赴行在入對言今年冬歲當躔而興宋自此敵必
不敢南渡矣然禦戎上策先自治願修政以應天道
繫年要錄云亮死之日天重陰時有胡斌者先語洪
邁曰昨夕四鼓濃雲塞空欲雪而東北忽穿漏一大
星墜蓋金主死祥也先是有客詣葉義問上書日以
太乙局考之金於冬至必有蕭牆之變趙彥衛雲麓
漫鈔云紹興三十一年七月二十六日侵晨日出如
在冰面色淡如白中有二人一南一北南者色白北
者色黑相與上下甚速至日中光彩射火以水照之
祇見面白一人餘不見是年十二月逆亮死於淮
南悟黑人爲亮云大金國志云時紫茸車克宋秦州
又侵茨湖茨湖在大江之南國人以舟渡欲攻光化
趨襄陽爲史俊敗復爲楊欽破之於洪澤鎮吳超敗
之於楊林渡翼日乃退北盟會編云時李貴克順昌
府茨湖之役史俊殺金首杜總管云時李貴克順昌
州及汝州成閔復揚州及盱眙軍泗州陳州武鉅復
河南府李顯忠復和州及淮西諸郡熊克小紀云丙
申亮細軍破秦州統制王剛棗城走江陰十二月趙

金史紀事本末

卷二十七

三

博克蔡州刺史蕭懋德遁去宋史高宗紀李滕復通
化軍杜隱復嵩州沙世堅入秦州咎朝復鄧州王選
復楚州牛宏入汝州劉銳入泗州金高顯以壽春府
來降王任自壽春來歸史多未載程史又云劉蘊古
燕人亮將南侵使僞降以覘國以首飾販鬻壽春頗
言金國虛實邊臣以聞召赴行都授迪功郎浙西差
遣金亮誅未得間隆興初濠梁奏北方游手萬餘人
應募營田蘊古請自將與金角次相史文惠斥其姦
不果張忠獻奏改倖太平州稟議軍事後數載使僕
駱昂北歸搜其橐得所刺朝廷機事乃伏誅初吳山
伍員祠扁額金碧甚侈蘊古至輒易之而刻其姓名
時右武大夫魏仲昌獨知爲真細作榜其名以示踵
至者亦見潛說友咸清臨安志

金史紀事本末卷二十七

金史紀事本末卷二十八

馳封資政大夫

特賞內閣中書前江西峽江訓導萍鄉李有棠編纂

李通姦佞

張仲珂

梁琬附

海陵正隆三年秋七月甲申以戶部尙書李通爲參知政事通以便辟側媚得幸於海陵果官右司郎中

遷吏部尙書請謁賄賂輻輳其門海陵嘗戒諭之

政異

宏簡錄云凡渤海漢人仕進者必賴通及戶部尙書許霖爲之先容右司郎中王蔚任其事所載較詳

至是拜參政海陵恃累世強盛欲大肆征伐以一天下嘗曰天下一家然後可以爲正統通揣知其意遂與張仲珂馬欽宦者梁琬近習羣小輩盛談江南富

金史紀事本末

卷二十八

一

庶子女玉帛之多逢其意而先道之海陵信其言以

通爲謀主遂議興兵南侵

攷異宋史紀事本末云初金主御武德殿召李通及

胡厲蕭廉語之曰嘗夢上帝召見命爲天策上將令征宋國衆皆稱賀南侵議始決又召通與翟永固敬嗣暉韓汝嘉入見薰風殿問曰朕欲遷都於汴遂侵宋統一海內卿意如何通以天時人事不可失杼對亮大悅惟永固力言不可汝嘉是之亮怒尋赦之汝嘉卒以勸寢兵被殺永固字孟堅良鄉人官左丞見本傳熊克小紀云海陵曰朕受命出而上馬見鬼兵無數朕發一矢射之衆皆嗟嘆覺聲猶在耳既視廐中馬其汗如水箭亦亡其一此異夢也按亮所乘烏騷小馬號小將軍紀均未載

四年春二月海陵諭宰相曰宋雖臣服有誓約而無

誠實比聞沿邊買馬及招納叛亡不可不備遣使籍

諸軍并括民馬造戰船於通州

攷異大金國志云是歲命通造軍器於燕

京本傳

未載

六年春正月命參政李通諭宋使徐度等曰朕昔從
梁王嘗居南京樂其風土帝王巡狩自古有之淮右
多隙地欲校獵其間從兵不踰萬人汝等歸告汝主
令有司宣諭朕意使淮南之民無懷疑懼 二月甲
寅以李通爲尙書右丞詔曰卿典領繕完兵械今已
畢功朕嘉卿忠謹故有是命俟江南事畢別當旌賞

秋八月自將三十二總管兵侵宋以太保昂

原作瑣都

爲左領軍大都督李通副之

攷異大金國志云主以李通爲大都督粘安阿

述虎副之稱異

今從海陵記

昂係舊將使帥諸軍從人望實使通

專其事海陵恐糧運不繼命諸軍渡江無以僮僕從行聞者皆怨嗟將至廬州見白鹿馳射不中既而後軍獲之以進大喜賜以金帛謂通曰昔武王伐紂白魚躍入舟中今朕獲此亦吉兆也時梁山灤水涸先造戰船不得進乃命通更造之督責苛急將士七八日夜不得休息壞城中民居以爲材木煮死人膏爲油用之

攷異宏簡錄云殫民力如馬牛費財用如土苴又過於狹小不能濟大江通傳未載

先是諸軍發南京將士亡歸者相屬於道哈斯罕明安福壽東京穆昆金住等始受甲於大名卽舉部亡歸從者萬餘皆公言於路曰我輩今往東京立新天子

矣

攷異宋史作曷蘇館猛安福壽高忠建盧萬家婆
婆路總管謀衍東京謀克金住等通鑑輯覽曷蘇

作和碩婆娑作博索謀衍作
默音金住作金柱紀載各異

冬十月丙午世宗卽

位於遼陽數海陵過惡數十事會濟江兵敗卽中鄂

博庫

原作吾
補可

等入白遂召諸將謀北歸且分兵渡江

議定通復入奏曰陛下親師深入異境無功而還若

衆散於前敵乘於後非萬全計若留兵渡江車駕北

還諸將亦將解體今燕北諸軍近遼陽者恐有異志

宜先令其渡江斂舟焚之絕其歸望然後陛下北還

南北皆指日而定矣深然之明日遂趨揚州會師於

瓜洲渡期以明日濟江尋爲完顏元宜等所弑都督

府以南伐之計皆通贊成之右監軍圖克坦永年乃

其姻戚刑部尙書郭安國衆所共惡皆殺之

攷異繫年要錄

云諸將殺補闕馬欽按欽至大定中尙存非死於揚州也今不取

大定二年削通官

爵人心始快

同黨張仲珂幼名努爾

原作牛兒攷異卷一百二十四畢資倫傳其子皇后位奉

閣舍人亦名牛兒另一人

市井無賴說傳奇小說雜以俳優詼諧

語爲業海陵引之左右以資戲笑海陵封岐國王以爲書表及纂立爲秘書郎海陵嘗對仲珂與妃嬪褻瀆仲珂但稱死罪不敢仰視又嘗令仲珂佯形以觀之侍臣往往令佻褻雖圖克坦貞亦不免此完顏布

琳

原作普連

大興少尹李惇皆以贓敗海陵置之要近伶

人千慶兒官五品大氏家奴王之彰爲秘書郎之彰

畢珠偏僻海陵親視之不以爲褻唐古辯家奴和尚

攷異汪輝祖金史同名錄云卷二太祖天輔六年遼

節度被獲後以叛誅卷六世宗大定四年衛王襄子

伏誅卷七大定十五年符寶郎卷十三衛王至寧元

年完顏元努子奉御死難卷十四宣宗貞祐三年司

屬令四年工部侍郎興定三年金安節度卷八十六

獨吉義傳義子大定時應奉翰林文字又同卷尼龐

古鈔兀子大定時謀克卷一百四郭僕傳大定未利

涉節度卷一百二十蒲察鼎壽傳本名河南尹卷一

百二十一伯德梅和尚傳明昌六烏達家奴葛温葛
魯皆置宿衛有僥倖至一品者左右或無官職人或
以名呼之卽授以顯階嘗置黃金襦袴問喜之者令

自取之其濫賜如此宋余唐弼賀登極且還海陵以
玉帶附賜宋帝仲珂曰此希世之寶可惜輕賜海陵
曰江南之地他日當爲我有此置之外府耳由是知
有南侵意益務逢迎俄遷秘書丞轉少監海陵嘗召

仲珂與右補闕馬欽校書郎田與信直長實實

原作習失

攷異畢沉續通鑑作迪實

入便殿侍坐海陵與仲珂論漢書曰漢

之封疆不過七八千里今吾國幅員萬里可謂大矣
仲珂曰本朝疆土雖大而天下有四主南有宋東有
高麗西有夏若能一之乃爲大耳海陵曰彼且何罪
而伐之仲珂曰臣聞宋人買馬修器械招納山東叛

亡豈得爲無罪海陵喜曰向者梁瓊嘗言宋有劉貴妃者資質豔美蜀之花藥吳之西施所不及也今一舉而兩得之俗所謂因行掉手也江南聞我舉兵必遠竄耳欽與信對曰海島蠻越臣等皆知道路彼將來伐欽又曰臣在宋時嘗率軍征蠻所以知也海陵謂欽曰汝敢戰乎對曰受恩日久死亦何避旣而曰麻革兵滅宋遠不過二三年然後討平高麗夏國二統之後論功遷秩分賞將士彼必忘勞矣

四年三月仲珂死冬至前一夕海陵夢仲珂求酒旣覺嗟嘆良久遣奠其墓馬欽幼名韓哥嘗仕宋

攷異

繫年要錄云爲劉光世親軍副都統

海陵南侵遂召用自貴德縣屬貴德州

甯遠軍

令爲補闕遷國子司業大定二年以巧佞除名

改異繫年要錄云金主被弒諸將殺補闕馬欽係誤

同時宦者梁琬本大臬家奴

改異宋史作梁漢臣煬王江上錄云漢臣本宋

內侍每思報仇繫年要錄云係師成養子琬傳未載隨元妃入宮以閹豎事海

陵性便辟善迎合特見寵信舊制宦者惟掌掖庭事

天德三年始以王光道爲內藏庫使衛愈梁安仁皆

以宦官領內藏以唐莊宗委張承業爲比宦者始預

政事而琬委任尤甚累官近侍局使及營建南京宮

室數命琬往視工役或言其未善雖已成卽盡撤去

丞相張浩亦曲意事之與之均禮

攷異揚王江上錄云梁漢臣勸修兩

京以爲正使孔彥舟爲副仍差都統阿史多木津

統騎軍二十萬駐汴城外以防夫匠逃走彥舟後被

讓賜酒醎之出爲西京留守中途藥發死大金國志

云梁漢臣獻策於主曰汴京重地鎮服南邊一也令

諸州置造器甲咸使精備二也糧食不缺三也創置

巨船訓習水軍支備海道四也招募義士使爲先鋒

五也主皆從之海陵欲侵宋琬因極言劉貴妃絕色

傾國及將發令縣君高寶古

攷異畢沅續通鑑作高蘇庫爾云原作師古兒

衾禱之新潔者俟得卽用之議者言琬與宋通謀

勸侵宋以疲敝國中海陵抵和州聞琬與宋人交通

有狀謂之曰聞汝交通宋國傳泄軍情汝本奴隸朕

拔擢至此乃敢爾耶若至江詢得實迹殺汝亦未晚

也又謂校書郎田爾信曰汝面目亦可疑必與琬同
謀皆命執之及被弑琬與爾信皆爲亂兵所殺宋史
亮兵敗焚其龍鳳舟斬梁漢臣及造舟者二人煬王
江上錄云采石兵敗北船千餘奔還西岸梁大使奏
日本國大捷請陛下登舟早達建康將從之爲赤蓋
明威諫阻亮大怒曰汝本宋舊臣朕高爵厚祿恩逾
朝士不知紀極而敢反朕遂命斬於江岸員興宗記
采石始末稱十一月金主鞭梁大使一百又稱衆殺
金主併殺梁大使注名球引亮來采石者按大使卽
漢臣球時官戶部尚書另一人均與史異通鑑輯覽
云時內侍被殺者尙有大慶
善薛應旂通鑑作大慶山

金史紀事本末卷二十八

金史紀事本末卷二十九

馳封資政大夫 特賞內閣中書前江西峽江訓導萍鄉李有棠編纂

完顏元宜之變

海陵天德元年冬十二月以完顏元宜爲兵部尙書

元宜本名阿里

原作阿列

一名伊德訥

原作伊特年

本姓

耶律氏父慎思

攷異汪輝祖金史同名錄云卷八十四紀大定二十二年徒單貞子三人同名慎思

天輔七年宗望追遼主至天

德慎思來降且告夏人以兵迎遼主將渡河去宗望

移書夏人諭以禍福夏人乃止賜慎思完顏氏官至

儀同三司元宜便騎射善擊毬皇統元年充護衛累

遷額勒本羣牧使入爲武庫署令轉符寶郎至是海陵篡立擢兵部尙書復姓耶律氏

正隆六年秋九月庚寅南侵宋以元宜爲神武軍都

總管先是元宜由尙書出爲節度使歷順義

卽朔州領縣三

昭義

卽古潞州

二軍再入爲兵部尙書勸農使從軍以本

官領都總管詔以大名路騎兵萬餘益之前鋒渡淮

拔昭關

方輿紀要云在和州含山縣北十里小峴山西崎嶇險仄爲廬濠之扼要

遇宋兵

萬餘於柘臯力戰卻之至和州宋兵十萬來拒元宜

麾軍力戰抵暮而罷宋人乘夜襲營元宜擊走之黎

明追及宋軍斬首數萬以功遷銀青光祿大夫海陵

增置浙西都統制使元宜領之督諸軍渡江佩金牌
賜衣一襲是時世宗已卽位於遼陽軍中多懷去就
海陵軍令慘急亟欲濟江衆思亡歸決計於元宜明
安唐古烏頁

攷異宋史作唐括烏野通鑑輯覽作烏延

曰前阻淮渡皆成

擒矣比聞遼陽新天子卽位不如共行大事然後舉
軍北還元宜曰待王祥至謀之王祥者元宜子爲驍
騎副都指揮使在別軍元宜使人密召之旣至遂約
詰旦衛軍番代卽行事元宜先給其衆曰有令爾輩
皆去馬明日渡江衆皆懼乃以舉事告之皆許諾

冬十月乙未黎明元宜王祥與武勝軍都總管圖克

坦守素明安唐古烏頁穆昆鄂勒博

原作幹盧保攷異卷五海陵紀

正隆六年護衛十人長被殺按

羅索

原作婁薛

溫都長壽

攷異汪輝祖金史同名錄云卷四十七食貨志太師

是一僕散端傳貞祐二年河南統軍使卷九十九高德基

包氏卷一百十七徒單益都傳正大九年戰沒六人

同名等率眾犯御營海陵聞亂疑宋兵奄至攬衣遽

起箭入帳中取視之愕然曰乃我兵也大慶善

原作大慶

山曰事急矣當出避之海陵曰將安往方取弓已中

箭仆地延安少尹納哈塔鄂勒博

舊作納合幹魯補通鑑輯覽作幹喇

布先刃之手足猶動遂縊殺之

攷異繫年要錄云亮妹夫唐古安禮知兵

亮聞新主立使以本部歸故諸將益無所憚大金國
志云諸將謀舉事總管萬載日殺郎主欲與宋和則
生矣時經茸軍衛之甚嚴說遣往秦州去者過半威
勝統軍取律勸農兵多逃懼誅與子宿直將軍母里
謀亦欲殺之趙姓之遺史細茸軍作紫茸軍又號細
軍秦州作秦州云亂矢齊發斃於帳中熊克小紀萬
載作萬戴母里作穆爾晁公志敗盟記云作亂者戴
總管李總管變作亮妹夫先劃刃於其腹已亦被殺
楊王江上錄云總管大懷忠蕭鵬巴樂家奴謀亂是
夜樂家奴先盜郎主劍以燭引主出帳諸人萬箭齊
施射殺之大懷忠引軍北遁繫年要錄作耶律阿烈
與其子母里哥謀又鵬巴作札巴樂家奴作藥家奴
紀載各異今從元宜傳續通考云時海陵問司天馬
貴中曰近日天道何如對曰前年八月太白入太微
右掖門九月至端門左掖門並歷左右執法太微爲
天子南宮太白兵將之象其占兵入天子之庭海陵
曰今將征伐而兵將出入太微正其事也貴中又言
富有出使者或爲兵或爲賊海陵曰兵興之際小賊
不能爲也是歲南侵被弒先是又嘗問馬貴中曰朕
將伐宋天道如何對曰去年十月甲戌熒惑入太微

至屏星留退西出占書熒惑常以十月入太微庭受
制出伺無道之國又去年十一月太白晝見經天占
爲兵喪爲不臣爲更主又主有兵兵罷興兵兵起又
正隆六年臨潢府聞空中有軍馬聲仰見風雲杳靄
神鬼甲兵蔽天自北而南仍有語經行者未幾海陵
南征遇害郭象睽車志云逆亮末年自製尖靴頭極
長銳曰便於取鞍而足指所不及謂之不到頭又爲
短靴僅存其半謂之沒下靴其後淪盟果爲其下戕
死江驍騎指揮使大磐整兵來救王祥出語之曰無
及矣大磐乃止軍士攘取行營服用皆盡乃取大磐
衣布裹其尸焚之遂收李通郭安國圖克坦永年梁
珣大慶善皆殺之攷異續綱目云收其如嬪及李通
等皆殺之熊克小紀云殺其太傅
及三妃與謀事者十餘人晃公志敗盟記云殺妃五
人及太傅一人左右數十人苗耀神麓記尙有王光
道馬欽又梁珣作梁恪紀載各異今從元宜傳元宜行左領軍副大都督事

使使者殺太子光英於南京

攷異大金國志作光瑛殺之者爲額里頁時官

太子少師兼河南統軍使歷右都監宋陷陳蔡爲所

敗終京兆尹按光英頗警悟讀孝經至三千之罪莫

大於不孝意指海陵弒母之事死時年十二本名阿

里布見本傳汪輝祖全史同名錄云額里頁原作訛

里也卷八世宗大定二十二年壽州刺史處死卷八

十九魏子平傳大定時滄州同知卷九十移刺道傳

太定初應奉翰林文字卷一百二十一初尙廩

局直長死節卷七十四文傳大定十二年修撰卷一

百二十鳥古論元忠傳本名官諸軍北還

彰德知府七人同名說里也江軍議和遂北歸大金

退軍三十里遣人持檄詣鎮無名與師兩國生靈橫

國志時移牒畧曰正隆失德無名與師兩國生靈橫

被塗炭已從廢殞見議班師各務散兵以圖舊好繫

年要錄云亮死衆亂用梁球言草檄講好造降人張

真持之而渡檄畧云太祖創業開基奄有天下迄今

四十餘年講信修睦兵革寢息百姓安業不意正隆

失德師出無名使兩國生靈枉被塗炭奉新天子明

合身系...
敦舊好須至牒者右領軍都監
開國公布徹等元宜傳未載

世宗大定二年春元宜入見拜御史大夫詔以高楨
勉之未幾進平章政事封冀國公賜玉帶甲第一區
復國姓往泰州規措契丹事元宜使忠勇校尉李榮
招幹罕被害詔追贈榮官四階未幾契丹平元宜還
朝奏請益諸羣牧鎧甲從之復請益臨潢戍軍士馬
詔給馬六百匹久之罷爲東京留守乞還所賜甲第
許之賜以襲衣吐鵲廐馬海東青鵲等致仕卒遣使
致祭賻贈甚厚子薩尼雅布官符寶祇候世宗令還
本姓大定十一年尙書省奏擬納哈塔鄂勒博除授

帝曰昔廢海陵此人首入殺之人臣之罪莫大於是
豈可復加官賞其世襲穆昆姑聽仍舊十八年濟嚕
海原作扎里海上言凡爲人臣能捍災禦侮者宜錄用之
今弒海陵者以爲有功賞以官爵非所以勸事君也
宜削奪以爲人臣之戒臣在當時亦與其黨如正名
定罪請自臣始帝曰濟嚕海自請其罪以勸事君此
亦人之所難使充趙王府祇候郎君

金史紀事本末卷二十九